



老子本義徵

□ 13
1656
1



君子之德

明仁13
孫 1656
1

老子本義徵

老子本義

老子本義我徵引

至言無言。至為無為。謂

之為之。此玄。六易。備曰。奈

相應。凡先者。鳴焉。後者

吁焉。自朕而尔。於真。六

道。大德小德。之。嗚。矢。有



為也。則有為。蓋性澹無
為。老子之為也。其為也
可知。而人也不可。知。然
之。嗚呼。尚矣。唯。而。王。乞。所。士。
徐。少。法。去。聃。在。道。之。哉。乎。
經。見。老子。亦。不。克。學。之。也。

也。自。儒。墨。之。列。矣。矣。分。徒。
相。認。雖。眇。以。去。徑。庭。相。軋。
是。是。非。非。非。非。是。非。是。而。
麻。非。有。底。山。古。今。矣。強。自。反。
為。而。冬。裝。是。邪。矣。衣。裝。
亦。冬。葛。衣。耶。是。之。可。是。

和常是。茂乎。二行四時
而不云。聖乎。三。生萬物
而不為。聖人則之。三。為心
出。不必為。雞之木。第其言
而無事。為而無迹。雖有
如無也。能鼓舞。舞道教。共

莊周氏其雄邪。如列御老
寇准王。諸子。惟肖邪。陰
符。三回。軒。黃庭。法。經。疇
方。為。鷓。為。祥。迨。乎。百。家
傳。注。和。吹。散。見。數。在。竅。在
出。愈。結。而。務。露。不。盡。

秘書蘇君好道焉。自青
衿迄皓首。嬖。靡。有。私。夕。
前。有。本。義。次。出。長。編。微。不
能。自。作。所。謂。雖。有。云。猶。若
云。者。有。諸。迺。需。余。一。言。
余。亦。不。克。答。云。于。此。云。云。

為引)

延享戊辰之春三月

芙蓉道人吟風以識



○天曰是故
君子居則
觀其象而
玩其辭動
而玩其象

老子本義微卷之上

天地有自然道焉

道經曰人法地地法天天法道道法自然

大傳曰古者包犧氏之王天下也仰則觀象於天俯

則觀法於地觀鳥獸之文與地之宜近取諸身遠取

諸物於是始作八卦以通神明之德以類萬物之情

書洪範曰天乃錫禹洪範九疇彝倫攸叙

夏禹列九疇

滕舜政輯

老子本義微卷之上
天地有自然道焉
道經曰人法地地法天天法道道法自然
大傳曰古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情
書洪範曰天乃錫禹洪範九疇彝倫攸叙

○又曰是故
君子居則
觀其象而
玩其辭動
則觀其變
而玩其占

員	孟	也	信	曲	動	上	書	舉	上	史
師	子	故	時	禮	者	繫	傳	之	繫	記
曠	曰	曰	日	曰	尚	辭	禮	卜	辭	家
之	離	疑	敬	龜	其	傳	記	筮	正	曰
聰	婁	而	鬼	為	變	曰	刪	玩	樂	魯
不	之	筮	神	卜	以	易	詩	之	序	終
以	明	之	畏	筮	制	有	正	文	易	不
六	公	則	法	為	器	聖	樂	辭	象	能
律	輸	弗	令	筮	者	人	序	而	繫	用
不	子	非	也	卜	尚	之	易	日	象	孔
能	之	也	所	筮	其	道	象	而	說	子
正	巧	以	使	者	象	四	卦	日	卦	亦
五	不	日	民	先	以	馬	文	而	文	不
音	以	而	決	聖	卜	以	言	日	言	求
云	規	行	疑	王	筮	言	者	而	卦	仕
云	矩	事	定	之	者	尚	尚	日	文	乃
註	不	則	猶	所	尚	其	其	而	言	叙
云	能	必	與	以	占	辭	辭	日	言	
離	成	踐				以	言	而	言	
婁	方	之					言	日	言	

史	卦	史	書	周	周	周	周	周	周	周
記	卦	記	文	易	易	易	易	易	易	易
世	卦	周	王	全	全	全	全	全	全	全
家	卦	本	作	書	書	書	書	書	書	書
曰	卦	紀	象	云	云	云	云	云	云	云
魯	卦	曰	其	爻	爻	爻	爻	爻	爻	爻
終	卦	其	囚	辭	辭	辭	辭	辭	辭	辭
不	卦	美	里	出	出	出	出	出	出	出
能	卦	蓋	蓋	于	于	于	于	于	于	于
用	卦	益	益	周	周	周	周	周	周	周
孔	卦	易	之	公	公	公	公	公	公	公
子	卦	八	卦	文	文	文	文	文	文	文
孔	卦	卦	為	辭	辭	辭	辭	辭	辭	辭
子	卦	六	十	出	出	出	出	出	出	出
亦	卦	四		于	于	于	于	于	于	于
不	卦			周	周	周	周	周	周	周
求	卦			公	公	公	公	公	公	公
仕	卦			者	者	者	者	者	者	者
乃	卦			史	史	史	史	史	史	史
叙	卦			記	記	記	記	記	記	記

而冠其古
其精也
其精也
其精也
其精也
其精也

古之明目者師曠晉之樂師知音者也離婁上篇
伯陽氏西遊至乃今書也不心賦
史記列傳曰老子者楚苦音縣厲音鄉曲仁里人也
姓李氏名耳字伯陽謚曰聃周守藏室之史也孔子
適周將問禮於老子老子曰子所言者其人與骨皆
已朽矣獨其言在耳且君子得其時則駕不得其時
則蓬累而行吾聞之良賈深藏若虛君子盛德容貌
若愚去子之驕氣與多欲態色與淫志是皆無益於
子之身吾所以告子若是而已孔子去謂弟子曰鳥
吾知其能飛魚吾知其能游獸吾知其能走走者可

文

以為因游者可以為綸飛者可以為矰至於龍吾不
能知其乘風雲而上天吾今日見老子其猶龍耶老
子修道德其學以自隱無名為務居周久之見周之
衰迺遂去至關令尹喜曰子將隱矣彊為我著書於
是老子迺著書上下篇言道德之意五千餘言而去
莫知其所終或曰老萊子亦楚人也著書十五篇言
道家之用與孔子同時云蓋老子百有六十餘歲或
言二百餘歲以其修道而養壽也自孔子死之後百
二十九年而史記周太史儋見秦獻公曰始秦與周
合而離離五百歲而復合合七十歲而霸王者出馬

文

或曰儋即老子或曰非也世莫知其然否老子隱君子也老子之子名宗宗為魏將封於段干宗子注注子宮宮玄孫假假仕於漢孝文帝而假之子解為膠西王印太傳因家于齊焉世之學老子者則絀儒學儒學亦絀老子道不同不相為謀豈謂是邪李耳無為自化清靜自正

朱君復諸子斟淑曰老子無論道術廣大精微即文字五千餘言而段段奇變章法句法字法之妙亦千萬世文章之祖

與犧畫周易相為表裡其旨歸于同軌

唐陸希聲曰昔伏羲氏画八卦象萬物窮性命之理順道德之和老子先天地本陰陽推性命之極原道德之奧此與伏羲同其原也文王觀太易九六之動貴剛尚變而要之以中老子察太易七八之正致柔守靜而統之以大此與文王通其宗也

鍾津文集云或曰韓子先仁義而次道德者蓋專人事而欲別異乎佛老虛無之道德耳曰昔聖人作易以正乎天道人事而虛無者最為其元苟異虛無之道則十翼六十四卦乃非儒者之書伏羲文王孔子治易之九聖人亦非儒者之師宗也孔子非儒宗師

可乎果爾則韓子未始讀易易尤為儒之大經不知
易而謂聖賢之儒吾不信也
夫析老氏為之道家者其始起於司馬氏之書而班
固重之若老子者其實古之儒人也
又曰五帝三星之書莫至于易以易與老子較而其
道豈異乎哉如繫辭曰天下之動正夫一者也而老
子曰王侯得一以為天下正此其大畧也苟考其無
思無為之理陰陽變化之說二書豈不皆然班固漢
書曰老氏流者蓋出史官又曰合於堯之克讓易之
謙謙此之謂也吾少聞於長者曰老子蓋承於黃帝

吾

氏者也及見莊周廣成子曰得君道者上為皇下為
王益信老氏誠得於三皇五帝者也此明老氏之道
德者實儒三皇五帝道德仁義之根本者也章章然
豈出於老氏一人之私說耶必以老子為非則易與
禮運可燔矣
又曰三皇乃老氏之道之所師宗者也
又曰若老氏之書其所發明三皇五帝之道德者也
又曰周季三代之政弊善人恃術而費智不善人假
法而作偽天下靡靡彼生傷性而不知其自治老子
宜其時更以三皇五帝道德之說以救其弊而天下

遂有老子之教也
 邵康節曰老子得易之體孟子得易之用
 嵩山景迂生鼂說之曰伏羲文王周公贊易之後惟
 老氏得易之變通屈伸知柔而貴虛務應而不得殷
 勤以立言幸乎此書之存也見于焦弱錄
 張次仲易記曰乾是孔子之學坤是老子之學
 又曰剝上六經翼云復由于剝人不能復者以其剝
 落不盡如知識伎倆之類如何剝落得盡剝不盡如
 何能復惟剝盡則虛之極靜之篤坤體也致虛守靜
 是孔子真血脉路戒慎恐懼是致虛守靜工夫

周易老莊為三玄說
 古者以周易老莊為三玄其說往往見于諸書然
 而趙宋以來知其說者甚鮮矣世註解老子者多
 而竟無一人說得他本義出職此之由今斯采其
 說之一二記之以備學者覽請熟思之可以知易
 老一致有所原而非予臆見也
 陳周弘正釋三玄云易判八卦陰陽吉凶約有明玄
 老子虛融此約無明玄莊子自然約有無明玄
 北齊顏氏家訓勉學篇云洎于梁世茲風復闡莊老
 周易惣謂三玄武皇簡文躬自講論周弘正奉贊大

猷化行都邑學徒千餘實為盛美元帝在江荆間復
所愛習召置學生親為教授廢寢忘食以夜繼朝至
乃倦劇愁憤輒以講自釋云云
隋吉藏三論玄義云震且三玄應為內教云又云
羅什昔聞三玄與九部同極伯陽與牟尼抗行乃喟
然歎曰老莊入玄故應易惑耳目云
唐清涼澄觀華嚴經疏鈔玄談云雖多不同就其結
過不出二種從虛空生即是無因餘皆邪因此方儒
道二教亦不出此鈔云此方儒道玄妙不越三玄周
易為真玄老子為虛玄莊子為談玄

葬

史云孔子問禮於老聃
史謂史記即前老子列傳所云而問禮之事禮記
及家語往往有之具于左
禮記曾子問曰當七廟五廟無虛主虛主者惟天子
崩諸侯薨與去其國與祫祭於祖為無主耳吾聞諸
老聃曰天子崩國君薨則祝取羣廟之主而藏諸祖
廟禮也卒哭成事而後主各反其廟君去其國太宰
取群廟之主以從禮也祫祭於祖則祝迎四廟之主
主出廟入廟必蹕老聃云
曾子問曰葬引至于垣日有食之則有變乎且不平

孔子曰昔者吾從老聃助葬於巷黨及塋日有食之
老聃曰丘止柩就道右止哭以聽變既明反而右行
曰禮也反葬而丘問之曰夫柩不可以反者也日有
食之不知其已之遲數則豈如行哉老聃曰諸侯朝
天子見日而行逮日而舍奠大夫使見日而行逮日
而舍夫柩不蚤出不奠宿見星而行者唯罪人與奔
父母之喪者乎日有食之安知其不見星也且君子
行禮不以人之親疾患吾聞諸老聃云
孔子曰吾聞諸老聃曰昔者史佚有子而死下殤也
墓遠召公謂之曰何以不棺斂於宮中史佚曰吾敢

乎哉召公言於周公周公曰豈不可史佚行之下殤
用棺衣棺自史佚始也
子夏曰金革之事無辟也者非與孔子曰吾聞諸老
聃曰昔者魯公伯禽有為為之也今以三年之喪從
其利者吾弗知也
家語觀周曰孔子謂南宮敬叔曰吾聞老聃博古知
今通禮樂之原明道德之歸則吾師也今將往矣對
曰謹受命遂言於魯君曰臣受先臣之命云孔子聖
人之後也滅於宋其祖弗父何始有國而授厲公及
正考父佐戴武宣三命茲益恭故其鼎銘曰一命而

去
僂再命而偃三命而俯循墻而走亦莫余敢侮饘於
是粥於是以餽其口其恭儉也若此臧孫紇有言聖
人之後若不當世則必有明德而達者焉孔子少而
好禮其將在矣屬臣曰汝必師之今孔子將適周觀
先王之遺制考禮樂之所極斯大業也君盍以乘資
之臣請與往公曰諾與孔子車一乘馬一匹賢子侍
御敬叔與俱至周問禮於老聃訪樂於萇弘歷郊社
之所考明堂之則察廟朝之度於是喟然曰吾乃今
知周公之聖與周之所以王也及法周老子送之曰
吾聞富貴者送人以財仁者送人以言吾雖不能富

貴而竊仁者之號請送子以言乎凡當今之士聰明
深察而近於死者好譏議人者也博辯閎達而危其
身好發人之惡者也無以有己爲人子者無以惡己
爲人臣者孔子曰敬奉教自周及魯道彌尊矣遠方
弟子之進蓋三千焉
奚翅禮耶則其十翼豈受諸老子乎
家語執轡曰子夏問於孔子曰商聞易之生人及萬
物鳥獸昆蟲各有奇偶氣分不同而凡人莫知其情
唯達道德者能原其本焉天一地二人三三三九九
九八十一一主日日數十故人十月而生八九七十

二偶以從奇主辰辰為月月主馬故馬十二月而生
七九六十三三主斗斗主狗故狗三月而生六九五
十四四主時時主豕故豕四月而生五九四十五五
主音音主猴故猴五月而生四九三十六六為律律
主鹿故鹿六月而生三九二十七七主星星主虎故
虎七月而生二九十八八主風風主蟲故蟲八月而
生其餘各從其類矣鳥魚生於陰而屬於陽故皆卵
生魚遊於水鳥遊於雲故立冬則燕雀入海化為蛤
蠶食而不飲蟬飲而不食螭螭不飲不食萬物之所
以不同介鱗夏食而冬蟄齧吞者八竅而卵生齧齧

者九竅而胎生四足者無羽翼戴角者無上齒無角
無前齒者膏無角無後齒者脂書生者類父夜生者
似母是以至陰主牝至陽主牡敢問其然乎孔子曰
然吾昔聞諸老聃亦如汝之言
猶龍之歎
具于史記列傳今不復言
白居易曰至言也載于白氏長慶集
唐書列傳曰白居易字樂天其先蓋太原人云
必賤得之不下堂而單父化
史記仲尼弟子列傳曰必不齊字子賤少孔子四十

九歲孔子謂子賤君子哉魯無君子斯焉取斯子賤
為單父宰反命孔子曰此國有賢不齊者五人教不
齊所以治者孔子曰惜哉不齊所治者小所治者大
則庶幾
說苑云宓子賤理單父彈琴身不下堂單父理巫馬
期以星出以星入而單父亦理巫馬期問其故宓子
賤曰我之謂在人子之謂在力任力者勞任人者逸
汲黯得之不出閣而東海治
史記列傳曰汲黯字長孺漢陽人也遷為東海太守
黯學黃老之言治官理民好清靜擇丞史而任之其

治責大指而已不苛小黯多病卧閨閣內不出歲餘
東海大治上聞召以為主爵都尉列於九卿治務在
無為而已

曹參得之獄市弗擾

史記世家曰平陽侯曹參者沛人也秦時為沛獄掾
而蕭何為主吏居縣為豪吏矣高祖為沛公而初起
也參以中涓從孝惠帝元年除諸侯相國法更以參
為齊丞相參之相齊齊七十城天下初定悼惠王富
於春秋參盡召長老諸生問所以安集百姓姑齊故
俗諸儒以百數言人人殊參未知所定聞膠西有蓋

公善治黃帝言使人厚幣請之既見蓋公為言治道
貴清靜而民自定推此類具言之參於是避正堂舍
蓋公焉其治要用黃老術故相齊九年齊國安集大
稱賢相惠帝二年蕭何卒參聞之告舍人趣治行吾
將入相居無何使者果召參參去屬其後相曰以齊
獄市為寄慎勿擾也後相曰治無大於此者乎參曰
不然夫獄市者所以并容也今君擾之姦人安所容
也吾是以先之

漢文得之刑罰弗用

史記本紀曰孝文皇帝十三年夏五月齊太倉令淳

于公有罪當刑詔獄逮徙繫長安太倉公無男有女
五人太倉公將行會逮罵其女曰生子不生男有緩
急非有益也其少女緹縈自傷泣乃隨其父至長安
上書曰妾父為吏齊中皆稱其廉平今坐法當刑妾
傷夫死者不可復生刑者不可復屬雖復欲改過自
新其道無由也妾願沒及為官婢贖父刑罪使得自
新書奏天子天子憐悲其意乃下詔曰蓋聞有虞氏
之時畫衣冠異章服以為儻而民不犯何則至治也
今法有肉刑三而姦不止其咎安在非乃朕德薄而
教不明歟吾甚自愧故夫馴道不純而愚民陷焉詩

曰愷悌君子民之父母今人有過教未施而刑加焉
或欲改行爲善而道毋由也朕甚憐之夫刑至斷支
體刻肌膚終身不息何其楚痛而不德也豈稱爲民
父母之意哉其除肉刑

茲迨乎西晉也至悲夫

顏氏家訓曰夫老莊之書蓋全真養性不冝以物累
已也故藏名柱史終蹈流沙匿跡漆園卒辭楚相此
任縱之徒耳何晏王弼祖述玄宗遞相誇尚景附草
靡皆以農黃之化在乎已身周孔之業棄之度外而
平叔以黨曹爽見誅觸死權之網也輔嗣以多笑人

被疾陷好勝之穽山巨源以蓄積取譏背多藏厚凶
之文也夏侯玄以才望被戮無支離擁腫之鑿也荀
奉倩喪妻神傷而卒非鼓缶之情也王夷甫悼子悲
不自勝異東門之達也嵇叔夜排俗取禍豈和光同
塵之流也郭子玄以傾動專勢竄後身外已之風也
阮嗣宗沈酒荒迷乖畏途相誡之譬也謝幼輿贓賄
黜削違棄其餘魚之旨也彼諸人者並其領袖玄宗
所歸其餘桎梏塵滓之中顛仆名利之下者豈可備
言乎直取其清談雅論剖玄析微賓主往復娛心悅
耳非濟世成俗之要也

鹵莽

莊子則陽篇長梧封人問子牢曰君為政勿鹵莽玄英疏云鹵莽不用心

王通論之曰

文中子周公篇子曰詩書盛而秦世滅非仲尼之罪也虛玄長而晉室亂非老莊之罪也齊戒修而梁國亡非釋迦之罪也

萬姓統譜王通字仲淹龍門人幼篤學慨然有濟蒼生之志詣長安奏太平十二策不見用退居河汾教授倣古作經又為中說以擬論語大業初徵不至及

卒門人謚曰文中子弟凝子福郊福時

或謂申韓慘刻原於道德之意

或謂司馬遷之說也

史記列傳曰申不害者京人也故鄭之賤臣學術以于韓昭侯昭侯用為相內修政教外應諸侯十五年終申子之身國治兵彊無侵韓者申子之學本於黃老而主刑名著書二篇號曰申子

韓非者韓之諸公子也喜刑名法術之學而其歸本於黃老非為人口吃不能道說而善著書

太史公曰老子所貴道虛無因應變化於無為故著

書辭稱微妙難識莊子散道德放論要亦歸之自然
申子卑卑施之於名實韓子引繩墨切事情明是非
其極慘礪少恩皆厚於道德之意而老子深遠矣本
長生久視陰謀翁張
謂修養家兵家縱橫家也

東周之辭

史記周本紀曰平生立東遷于維邑辟戎寇平王之
時周室衰微諸侯彊并弱齊楚秦晉始大政由方伯
廢飲

左氏傳序曰優而柔之使自求之廢而飲之使自趨

之

婉曲成章

婉而成章曲從義訓以示大順同左氏傳序

西漢以還諸注

河上公章句嚴君平指歸王弼注何晏郭象等注以
來指明李言沈一貫老子通序曰自昔箋老子者何
可數以董思靖所記蓋一百二十二家思靖以後予
所觀記者復六家

前漢嚴君平

蜀人嚴君平性雅淡專精大易耽於莊老莽篡位遂

隱趣卜筮於成都市以為卜筮者賤業而可以惠衆
 人人有邪惡非正之問則依著龜為言利害與人子
 言依於孝與人弟言依於順與人臣言依於惠日閱
 數人得百錢足以自養則閉肆垂簾而誦老子博覽
 無所不通著書十餘萬言云朱君復諸子尉叔曰楊
 用修云嚴君平註老子其文奇世多未見近刻嚴君
 平道德指歸論六卷谷神子叙以為陳隋之際已逸
 其半今所存者止論德篇

隋王績

王績字無功嗜酒不任事有奴婢數人種麥春秋釀

酒養鳥雁蒔藥艸自供以周易老子莊子置牀頭他
 書罕讀也游北山東臯著書自號東臯子唐書有傳

人王仲淹弟

邵康節

宋史曰邵雍字堯夫其先范陽人父古徙衡漳又徙
 共城雍年三十游河南葬其親伊水上遂為河南人
 雍少時自雄其才慷慨欲樹功名於書無所不讀始
 為學即堅苦刻厲寒不爐暑不扇夜不就席者數年
 已而歎曰昔人尚友於古而吾獨未及四方於是踰
 河汾涉淮漢周流齊魯宋鄭之墟久之幡然來歸曰

道在是矣遂不復出北海李之才攝共城令聞雍好
學嘗造其廬謂曰子亦聞物理性命之學乎雍對曰
幸受教乃事之才受河圖洛書必義八卦六十四卦
圖像之才傳遠有端緒而雍探頤索隱妙悟神契洞
徹蘊奧汪洋浩博多其所自得者及其學益老德益
邵玩心高明以觀夫天地之運化陰陽之消長遠而
古今世變微而走飛草木之性情深造曲暢度幾所
謂不惑而非依倣象類億則屢中者遂衍宓戲先天
之旨著書十餘萬言行于世然世之知其道者鮮矣
初至洛蓬草環堵不庇風雨躬樵爨以事父母雖平

居屢空而怡然有所甚樂人莫能窺也

僧仲靈

陳舜俞行業記云師諱契嵩字仲靈自號潛子藤州
鐔津人姓李母鐘氏七歲而出家十三得度落髮明
年受具戒十九而遊方下江湘陟衡廬首常戴觀音
之像而誦其號日十萬聲於是世間經書章句不學
而能得法於筠州洞山之聰公慶曆間入吳中至錢
塘樂其湖山始稅駕馬當是時天下之士學爲古文
慕韓退之排佛而尊孔子東南有章表民黃鰲隅李
秦伯尤爲雄傑學者宗之仲靈獨居作原教孝論十

餘篇明儒釋之道一貫以抗其說諸君讀之既愛其
文又畏其理之勝而莫之能奪也因與之游遇士大
夫之惡佛者仲靈無不懇々爲言之由是排者浸止
而後有好之甚者仲靈唱之也所居一室蕭然無長
物與人清談靡々至於終日客非修潔行誼之士不
可造也

召道人

召道人張無夢至京師無夢好窮老易篤孝聞於鄉
里及冠遂入華山事陳希夷先生多得微旨帝嘗問
以長生之術無夢曰臣野人也但於山中嘗誦老子

周易而已不知其他令講易卽說謙卦帝曰獨說謙
卦何也曰方大有之時宜守之以謙帝善其說後召
講自撰還元篇無夢曰國猶身也心無爲則氣和氣
和則萬寶結矣心有爲則氣亂氣亂則英華散矣此
還元之大旨也帝遣使賜金帛皆不受乞還山復賜
處士暢飲先生號亦不受

林希逸口義

林希逸字肅翁福清人紹定間進士號獻齋所著有
易講春秋傳老莊列口義等書行于世

河上翁章句

萬姓統譜傳
具于宋史

列仙傳云河上翁漢文帝時結草菴於河上帝讀老子有不解遣使問之公曰道尊德貴非可遙問帝幸其菴問曰普天之下莫非王臣不能自屈無乃高乎公即坐躍冉冉在空去地數丈曰余上不至天中不至人下不至地何臣民之有帝乃下車瞽首公授素書一卷遂失所在

藝文志注老子者有三家河上所釋無聞焉豈非注者欲神其事故假造其說也其言鄙陋其理乖訛雖欲纒別朱紫粗分菽麥亦皆嗤其過謬而况有識乎豈如玉弼英才萬識探頤索隱考其所注義者為優必黜河上公昇王輔嗣在於學者實得其宜

文苑英華卷之七百六十六

藝文志注老子者有三家河上所釋無聞焉豈非注者欲神其事故假造其說也其言鄙陋其理乖訛雖欲纒別朱紫粗分菽麥亦皆嗤其過謬而况有識乎豈如玉弼英才萬識探頤索隱考其所注義者為優必黜河上公昇王輔嗣在於學者實得其宜

文苑英華卷之七百六十六

無垢子註

張九成字子韶號無垢居士其先開封人徙居錢塘游京師從楊時學

宋史

摸象之徒

此以衆盲摸象喻錯認真也其事具于涅槃經
經曰善男子譬如四大雖均等有堅有熱有濕有
動有重有輕有赤有白有黃有黑而是四大亦無有
業異法界故各不相似佛性亦爾異法界故時至則
現善男子一切衆生不退佛性故名之爲有阿毗跋
致故以當有故決定得故定當見故是故名爲一切
衆生悉有佛性善男子譬如王告一大臣汝牽一
象以示盲者爾時大臣受王敕已多集衆盲以象示
之時彼衆盲各以手觸大臣即還而白王言臣已示
竟爾時大王即喚衆盲各各問言汝見象耶衆盲各

言我已得見王言象爲何類其觸牙者即言象形如
蘆葍根其觸耳者言象如箕其觸頭者言象如石其
觸鼻者言象如杵其觸脚者言象如木曰其觸脊者
言象如牀其觸腹者言象如甕其觸尾者言象如繩
善男子如彼衆盲不說象體亦非不說若是衆相悉
非象離是之外無別象善男子王喻如來正徧知也
臣喻方等大槃經象喻佛性云云
邵弁之老莊彙詮全御二冊
焦弱侯老莊翼註用邵弁註者僅五六句其采摭書
目不載之國史經籍志老子註解書目亦不載之加

人

之邵并傳考之於萬姓統譜明史稿明朝抄古人物
考古今之物論皇明詞林人物考皇明寶善類編聖
朝名世考國朝名世類苑獻徵錄增補祕笈新書別
集仕隱霞標等書不載之因不知其履歷可重考

老子本義徵卷之上

人

文部省律令之於高麗... 諸國... 人物... 皇朝... 增補... 新書...
 朝名... 考... 國... 名... 世... 類... 苑... 賦... 錄... 增... 補... 秘... 友... 新... 書... 別...
 集... 傳... 實... 錄... 書... 不... 定... 之... 因... 不... 知... 其... 履... 歷... 可... 重... 考...
 老子... 大... 易... 漢... 書... 卷... 之... 上... 三... 十... 一... 三... 十... 一... 三... 十... 一...

